

ՊԱՏՄՈՒԹՅԱՆ ԻՆՍՏԻՏՈՒՏԻ ԽՆԴԻՐՆԵՐԸ ՍՄԿՊ XXII ՀԱՄԱԳՈՒՄԱՐԻ ՈՐՈՇՈՒՄՆԵՐԻ ԼՈՒՅՍՈՎ

Վերջին տասնամյակներում, մասնավորապես Հայրենական Մեծ պատերազմից հետո, մեր ռեսպուբլիկայում խոշոր և ինտենսիվ աշխատանք է կատարվել հայ ժողովրդի պատմության ուսումնասիրության բնագավառում: Այդ աշխատանքը առավելապես կենտրոնացած է եղել ՀՍՍՐ Գիտությունների ակադեմիայի Պատմության ինստիտուտում:

Մեծ թափ ու ծավալ են ստացել մեր ժողովրդի պատմության նյութական կուլտուրայի հուշարձանների ուսումնասիրությունը, սկզբնաղբյուրների և փաստաթղթերի հրատարակությունը: Տակավին պատերազմից առաջ ձեռնարկված Կարմիր Բլուրի և Դվինի հնագիտական պեղումները մի նոր թափով վերսկսվեցին պատերազմից հետո: Ավելի ուշ, զուգահեռաբար, պեղումներ սկսվեցին Գառնիում, Արին-բերդում, Շենգավիթում և վերջին տարիներս հայտնաբերած լճաշենի բնակավայրերում: Հնագիտական պեղումները, վիճագիր արձանագրությունների, Մատենադարանի ձեռագրերի հիշատակարանների մանր ժամանակագրությունների, հայ-ռուսական հարաբերությունների արխիվային վավերագրերի ժողովածուների և այլ սկզբնաղբյուրների հրատարակությունը հսկայական նյութի տվեցին Հայաստանի հին ու հնագույն, վաղ և ուշ միջնադարի պատմության վերաբերյալ:

Նոր պատմության և սովետական հասարակության պատմության գիտական լուսարանության համար մեծ նշանակություն ունեցավ գյուղացիական շարժումների, առաջին բուրժուա-դեմոկրատական ռևոլյուցիայի, Հոկտեմբերյան սոցիալիստական Մեծ ռևոլյուցիայի և Հայաստանում սովետական կարգերի հաստատման վերաբերյալ փաստաթղթերի և այլ նյութերի հրատարակությունը:

Նոր դարի և սովետական շրջանի պատմության հարցերի ուսումնասիրության համար կարևոր նշանակություն ունեն նաև հրատարակության պատրաստվող «Արևելյան Հայաստանի միացումը Ռուսաստանին» և «Կուլտուրական շինարարությունը Հայաստանում» վավերագրերի ժողովածուները:

Սկզբնաղբյուրների հայտնաբերմանն ու հրատարակմանը զուգահեռ և նրանց ընձեռած նյութի ուսումնասիրության հիման վրա լայնորեն ծավալվեցին գիտա-հետազոտական աշխատանքները:

Վերստին հետազոտվեցին ու վերագնահատվեցին ոչ միայն արդեն ուսումնասիրված մի շարք պրոբլեմներ, այլև մինչ այդ բավարար ուշադրության չարժանացած առանձին թեմաներ: Այդ ուսումնասիրությունների շնորհիվ գիտական հասարակայնությանը և ընթերցողների լայն շրջաններին ներկայացվեցին պալեոլիթի (հին քարե դար), բրոնզե դարի, հայ ժողովրդի ծագման, Ուրարտուի պատմության, ստրկատիրական հարաբերությունների, միջնադարյան Հայաստանի արհեստների ու քաղաքների, գյուղացիության պատմության

սոցիալական շարժումների հարցերին, ուշ միջնադարի սոցիալ-տնտեսական մի շարք խնդիրներին, հայ հասարակական մտքի պատմությանը նվիրված բազմաթիվ կարևոր աշխատություններ:

Նոր շրջանի պատմության հանգուցային հարցերից ուսումնասիրվեցին 18-րդ դարի վերջին քառորդի ազատագրական շարժումների, հայ-ուսական հարաբերությունների, Հայաստանը Ռուսաստանին միանալու, գյուղացիական ռեֆորմի ու կապիտալիզմի զարգացման, ազրարային հարաբերությունների, հայ իրականության մեջ նախամարքսյան ռևոլյուցիոն դեմոկրատիայի, արևմրտահայ հասարակական գործիչների, մարքսիզմի տարածման ու առաջին բուրժուա-դեմոկրատական ռևոլյուցիայի պրոբլեմները և այլ թեմաներ:

Սովետական Հայաստանի ամբողջական պատմությունը փաստորեն մշակվել է ետպատերազմյան շրջանում: Համեմատաբար կարճ ժամանակամիջոցում հրատարակվեցին մենագրություններ, ժողովածուներ ու բրոշյուրներ, որոնք պատկերացում են տալիս Սովետական Հայաստանի ավելի քան քառասուն տարվա պատմության հիմնական էտապների մասին:

Սկզբնաղբյուրների հրատարակումն ու հետազոտական աշխատանքների ծավալումը հնարավոր դարձրին ընդհանրացնող, ամփոփիչ բնույթի աշխատությունների ստեղծումը: Պատմության ինստիտուտը նախապատրաստեց և 50-ական թթ. սկզբներին հրատարակեց հայ ժողովրդի հնագույն շրջանից մինչև մեր օրերն ընդգրկող պատմության եռահատոր ձեռնարկ: Ընդհանուր է, այդ ձեռնարկը շարադրված էր հիմնականում ըստ միջնակարգ դպրոցի աշակերտության պահանջների և որոշ շափով սխեմատիկ բնույթ էր կրում, այսուհանդերձ՝ դրա ստեղծումը մեր պատմագրության կողմից մի խոշոր առաջընթաց քայլ էր: Եռահատոր ձեռնարկի մեջ ընդհանուր գծերով ամփոփված են ոչ միայն սովետահայ պատմագրության նվաճումները, այլև լուծված են մի շարք պրոբլեմներ, մասնավորապես հայ ժողովրդի պատմության պերիոդիզացիայի հետ կապված որոշ հարցեր:

Ինչպես հայտնի է, անհատի պաշտամունքի վնասակար հետևանքների հաղթահարումը սկսվել էր տակավին ՍՄԿՊ XX համագումարից: ՍՄԿՊ XX համագումարից հետո պարզ դարձան նախորդ տարիների պատմագրության այնպիսի թերություններ, ինչպիսիք են ժողովրդական մասսաների դերի, հատկապես ետպատերազմյան շրջանի պրոբլեմների անբավարար լուսաբանումը, պատմության գունազարդումը և ուրիշ թերացումներ: Համագումարը դրեց սովետական պատմագիտական բոլոր աշխատանքների արմատական վերակառուցման սկիզբը: Սովետական ամբողջ պատմագրության մեջ սկսվեց ստեղծագործական աշխուժություն, որն ամենից առաջ արտահայտվեց խոշոր, ընդհանրացնող կոլեկտիվ աշխատությունների հրատարակությամբ: 1955 թ. սկսվեց և շուտով կավարտվի «Համաշխարհային պատմության» տասնատորյակի հրատարակությունը, հրատարակվել են «Հայրենական Մեծ պատերազմի պատմություն» վեցատորյակի երեք հատորները, ավարտվեց ՍՍՌՄ-ի «Քաղաքացիական պատերազմի պատմության» հինգհատորյակի հրատարակությունը: Մեզ մոտ, սովետահայ պատմագրության ստեղծագործական առաջընթացը արտահայտվեց թեմատիկայի ակտուալացմամբ, ուսումնասիրությունների խորացմամբ, մինչև այդ հետազոտության նյութ չդարձած կամ գրեթե չուսումնասիրված թեմաների մշակմամբ:

ՍՄԿՊ XX համագումարից հետո առաջացած որոշ աշխուժացումը ցույց տալու համար բավական է թեկուզ համառոտակի ակնարկ ձգել Պատմության ինստիտուտի վերջին տարիների կատարած աշխատանքների հիմնական արդյունքների վրա:

Վերջին հինգ-վեց տարիների ընթացքում սովետական Հայաստանի պատմության մշակումը զգալիորեն բարելավվել է ոչ միայն նրանով, որ քանակական տեսակետից ավելի շատ աշխատություններ են հրատարակվել, այլև թեմատիկան ավելի բազմազան, փաստական նյութով ավելի հագեցված է դարձել: Նշանակալից աշխատանք է կատարվել Սովետական Հայաստանի պատմության առանձին էտապների ամբողջական ուսումնասիրման ուղղությամբ:

Բավական լուրջ քայլեր են արվել Սովետական Հայաստանի բանվոր դասակարգի պատմություն ստեղծելու, սոցիալիստական շինարարության տարբեր էտապներում նրա դերը և ստեղծագործական փորձը ընդհանրացնելու ասպարեզում: Կարևորագույն այս խնդրի իրականացման համար խոշոր նշանակություն ունի Հայաստանի սոցիալիստական քաղաքների, առանձին գործարանների ու սովխոզների պատմության ուսումնասիրությունը: Այս բնադավառում ևս ինստիտուտը որոշ հաջողությունների է հասել:

Ինստիտուտին կից գործող Հայաստանի գյուղատնտեսության և գյուղացիության պատմության հանձնաժողովը բավական գործունեություն է ծավալել նախասովետական շրջանի ագրարային հարաբերությունների պատմության ուսումնասիրման բնագավառում:

Հանրահայտ է, որ մեր ժողովրդի ամբողջական պատմությունը անհնար է ներկայացնել առանց նրա բաղկացուցիչ մասը կազմող հայ գաղութների պատմության: Հայ ժողովրդի պատմական ճակատագրի հետևանքով աշխարհով մեկ սփռված հայ գաղութները ոչ միայն կապված են եղել մայր հայրենիքի հետ, այլև նշանակալից, հաճախ շատ կարևոր դեր են խաղացել հայ ժողովրդի հասարակական-քաղաքական ու մշակութային կյանքում, և առանց այդ գաղութների ուսումնասիրության մեր ժողովրդի պատմությունը միակողմանի, թերի կլինի: Չնայած այս անառարկելի ճշմարտությանը, մինչև վերջերս հայ գաղութների ուսումնասիրությունը անուշադրության էր մատնված, համեմայն դեպս այդ ուղղությամբ որևէ կազմակերպված աշխատանք չէր տարվում:

1959 թ. Պատմության ինստիտուտում կազմակերպվեց գերազանցապես հայ գաղութներով զբաղվող հատուկ սեկտոր, որտեղ ուսումնասիրվում է Ղրիմի, Նոր Նախիջևանի, Աստրախանի, Գրիպորիոպոլի, Բուլղարիայի հայկական գաղութների պատմությունը և շուտով կավարտվեն դրանց վերաբերյալ առանձին մենագրություններ: Սեկտորը առաջիկայում ավելի կծավալի իր գործունեությունը առավել լայնորեն ընդգրկելով արտասահմանյան հայ գաղութների պատմությունը:

Ուկրաինական ՍԱԻ Գիտությունների ակադեմիայի Լվովի Հասարակական գիտությունների ինստիտուտի պատմության բաժնի հետ գիտական կապեր են ստեղծվել և փոխադարձ համաձայնությամբ նրանք զգալի գործունեություն են ծավալել տեղի լեհական ու ուկրաինական հարուստ աղբյուրների հիման վրա Արևմտյան Ուկրաինայի հայ գաղթավայրերի պատմությունը բազմակողմանիորեն ուսումնասիրելու համար: Ինստիտուտն արդեն հրատարակության է հանձնել Յու. Ռ. Բաշկևիչի «Արևմտյան Ուկրաինայի հայ գաղութների պատմագրությունը 16—19-րդ դդ.» ուշագրավ աշխատությունը: Մինչև 1965 թ. հրա-

տարակույթյան են պատրաստվելու «Ուկրաինայի հայկական զաղութները 15—18-րդ դարերում» փաստաթղթերի և նյութերի ժողովածուն, «Ուրվագծեր Ուկրաինայի հայ զաղութների պատմության» մենագրությունը, «Լվովի հայ զաղութի պատմությունից 14—15-րդ դդ.», «Հայերի դերը Լվով քաղաքի առևտրում 14—16-րդ դարերում», «Հայերը և նրանց դերը Ուկրաինայի արվեստի զարգացման պործում 14—18-րդ դդ.», «Մխիթար Գոշի դատաստանագիրքը և նրա կիրառումը Լվովում 15—18-րդ դդ.», «Ուկրաինայի հայ զաղութների ազգագրական ուսումնասիրությունը» հոդվածները և այլ ուսումնասիրություններ:

Ինչպես հայտնի է, մինչև վերջերս հետհոկտեմբերյան ժամանակաշրջանի սփյուռքահայության կյանքի ոչ միայն քիչ թե շատ կարևոր խնդիրներ, այլ ուղղակի սփյուռքահայ պատմության հետ կապված որևէ հարց ուսումնասիրության նյութ չէր հանդիսանում: Գրեթե տրադիցիա դարձած այդ սխալ պրակտիկան խախտելու համար ևս Ինստիտուտը որոշ աշխատանք է ծավալել:

Այսպես, 1961 թվականին ավարտվել կամ գրեթե ավարտվել են հետևյալ ուսումնասիրությունները: Հ. Մելիքսևյանի «Սփյուռքահայերի հայրենադարձությունը Սովետական Հայաստան 1921—1925 թթ.» աշխատությունը, որի մեջ հեղինակը վեր է հանել համաշխարհային առաջին պատերազմի տարիներին արևմտահայության զանգվածային կոտորածները և բռնազաղթեցումը ղեպի արարական անապատները: Արխիվային փաստաթղթերի և պարբերական մամուլի նյութերի հիման վրա հեղինակը ցույց է տվել Սովետական Հայաստանի կառավարության և Կոմունիստական պարտիայի հոգատար վերարևմույնը, նյութական օգնությունն ու բարոյական աջակցությունը արևմտահայ զաղթականության նկատմամբ, հանգամանորեն լուսարանել է սփյուռքահայ աշխատավորների 1921—1925 թվականների ներգաղթը:

Հունաստանի հայ զաղութի 1917—1927 թթ. տասնամյա պատմությանն է նվիրված Պ. Կոկինոսի ուսումնասիրությունը: Մենագրության մեջ լուսարանվում է հունահայ զաղութի հասարակական-քաղաքական կյանքը, հայ աշխատավորներին Հունաստանի ռեյուցիոն շարժումների մեջ րնդդրկելու՝ Հունաստանի կոմպարտիայի գործունեությունը, հայ և հույն բանվորների համատեղ պայքարը և այլ հարցեր:

«Սփյուռքահայ առաջադիմական ուժերի պայքարը զաչնակցության դեմ հետպատերազմյան շրջանում» մենագրության մեջ է. Խուրշուզյանը ուսումնասիրելով և վերլուծելով սփյուռքահայ իրականությունը, ցույց է տալիս, թե որոնք են հայկական առաջադիմական ուժերը միջազգային զարգացման արդի փուլում և թե երկու լազերների գոյության պայմաններում ինչպես են նրանք պայքարում իմպերիալիզմի, զաղութատիրության և զաչնակցության դեմ: Թաղմակողմանիորեն քննարկվում է ու զնահատվում հնչակյան և ռամկավար պարտիաների գործունեությունը:

Ընդլայնվել է հին և միջնադարյան Հայաստանի պատմության ազդյուրագիտական բազան: Ավարտվել և հրատարակության է պատրաստվել Հայաստանին և հայերին վերարհրոյ լատինական և բյուզանդական ազդյուրները:

Հայաստանում արարական տիրապետության և դրան անմիջապես հաջորդած զարգացած ֆեոդալիզմի ժամանակաշրջանի տնտեսական-քաղաքական հարցերի լուսարանման համար շատ կարևոր նշանակություն ունի Հայաստանի արարական էմիրությունների պատմության ուսումնասիրությունը: Արդեն ավարտվել և հրատարակության է պատրաստվում «Արարական էմիրություն-

ները Հայաստանում 9—11-րդ դդ.» (հեղինակ Ա. Տեր-Ղևոնդյան) մենագրությունը, որը շարադրված է հայկական, արարական ու բյուզանդական աղբյուրների հիման վրա: Թուրքական աղբյուրների օգտագործմամբ շարադրված է և շուտով կավարտվի «Ջալալիների շարժումը և 16—17-րդ դդ. արևմտահայ աշխատավոր մասսաների դրությունը» ցարդ շուսարանված թեման (հեղինակ՝ Մ. Զուլայան):

Տպագրության է պատրաստված «Հայ-ռուսական հարաբերությունները 18-րդ դարի առաջին քառորդում» փաստաթղթերի և նյութերի ժողովածուն Աշ. Հովհաննիսյանի ընդարձակ առաջաբանով:

Հրատարակության պրոցեսում են Ս. Երևմյանի «Հայաստանը ըստ 7-րդ դարի «Աշխարհացույցի» քարտեզը՝ ծավալուն բացատրական տեքստով, Վ. Հակոբյանի կազմած «Կանոնգիրք հայոց» ժողովածուի առաջին հատորը, Հ. Անասյանի «17-րդ դարի արևմտահայ ազգային-ազատագրական շարժումների պատմությունից», Ա. Մնացականյանի «Լենինը և հայ ժողովրդի պատմական ճակատագիրը» մենագրությունները և մի շարք այլ ուսումնասիրություններ Սովետական Հայաստանի պատմության վերաբերյալ:

Անհրաժեշտ է սակայն պարզ ու որոշակի ասել, որ ՍՄԿՊ XX համագումարից հետո ընկած ժամանակամիջոցում, շնայած պատմական գիտությունների բնագավառում կատարված դրական աշխատանքին, հաճախ իրենց զգացնել էին տալիս անհատի պաշտամունքի շրջանից որդեգրված արատավոր տրագիցիաները՝ գիտական շտամպը, երևույթների մեխանիկական ըմբռնումը, մտավախությունն ու ինքնապահուստագրումը:

Եվ թերևս պատմագրությունը լիովին չազատագրվել այդ տրագիցիաներից, եթե Պարտիայի լենինյան Կենտրոնական Կոմիտեն ժամանակին վճռական միջոցների շղիմեր և շախչախեր հակապարտիական խմբին, որը փորձում էր հարություն տալ մեռած, սակայն անթաղ մնացած անհատի պաշտամունքին, եթե պարտիայի XXII համագումարը վերստին չարժարժեր այդ հարցերը:

ՍՄԿՊ XXII համագումարը իրոք պատմական համագումար էր ոչ միայն Սովետական Միության տնտեսական, հասարակական-քաղաքական կյանքում, արդի միջազգային ասպարեզում, այլ նաև հասարակական գիտությունների և մասնավորապես պատմական գիտության զարգացման համար:

Համագումարը պարզորոշ ցույց տվեց, թե հասարակական գիտությունների ասպարեզում գիտական մտքի զարգացման ինչպիսի խոչընդոտներ էր շարունակում հարուցել Ստալինի անձի պաշտամունքը և թե որքան լուրջ աշխատանք է պահանջվում անցյալի վնասակար հետևանքները ամբողջովին վերացնելու համար: Միաժամանակ պարզ դարձավ, որ անհատի պաշտամունքի արմատական վերացումը հասարակական գիտությունները լիովին կազատագրի սուբյեկտիվիստական սխալների բեռից, այն տիտրահուշակ գեոնյուկտուրը շինալից» ու դոգմատիզմից, որը խանգարում էր գիտական ստեղծագործական աշխատանքին:

Պատմագիտության զարգացումն արդելակող այդ երևույթներին մեկընդմիջտ վերջ տալու համար անհրաժեշտ է նախ և առաջ պարզ պատկերացում կազմել, թե որո՞նք են անհատի պաշտամունքի վնասակար ազդեցության հետևանքները և ի՞նչ ձևերով են դրսևորվել պատմագիտության մեջ:

Որոշ ընկերներ անհատի պաշտամունքի դեմ մղվող պայքարը փաստորեն հանգեցնում են սոսկ նրան, որ իրենց աշխատություններում չեն հիշատակում

Ստալինի անունը և նրանից մեջբերումներ չեն կատարում: Վերջին հինգ-վեց տարում հիմնականում այսպիսի պարզեցված, մակերեսային եղանակով է ընթացել պատմագիտության մեջ անհատի պաշտամունքի դեմ մղվող պայքարը:

Անհատի պաշտամունքի վնասակար հետևանքը արտահայտվել է նախ նրանով, որ Ստալինը սուբյեկտիվիստական մեկնություններ է տվել շատ իրադարձությունների և մշտապես մեծացրել սեփական դերը պատմության մեջ: Մասնավորապես ուսական ուսուցիչների ժամանակաշրջանի և սոցիալիստական շինարարության վերաբերյալ աշխատությունները զրվում էին միայն անձամբ Ստալինի և նրա գործունեության հետ կապված գործիչների ու փաստերի մասին: Այս ասպարեզում պատմական ճշմարտությունը վերականգնելու ուղղությամբ ՍՄԿՊ XX համագումարից հետո որոշ հաջողություններ են ձեռք բերվել, սակայն, կատարված աշխատանքը դեռևս հեռու է բավարար լինելուց: Այլ կերպ ինչպե՞ս կարելի է բացատրել, որ լենինյան զվարդիայի մի շարք պայծառ բոլշևիկների, պարտիական ու պետական նշանավոր գործիչների, ինչպես, օրինակ՝ Ս. Լուկաշինի (Ս. Սրապիոնյան), Ս. Տեր-Գաբրիելյանի և ուրիշների կյանքի ու գործունեության մասին սովետահայ պատմագրությունը մինչև օրս մի համառոտ ակնարկ անգամ չի տվել, էլ չենք խոսում ընդհանրացնող, ծավալուն աշխատության մասին, որին նրանք միանգամայն արժանի են: Լուկաշինի և մյուսների մասին պատմական իրողությունը վերականգնելու դեռևս քիչ է: Նրանց անրիժ կյանքն ու գործը լավագույն տիպար են նոր սերնդի համար: Նրանց մասին զրված աշխատությունը զգալի դեր կխաղար երիտասարդության դաստիարակության գործում:

Սակայն Ստալինի անձի հետ կապված երևույթներին օրյեկտիվ մեկնարանություն տալու անհատի պաշտամունքի վնասակար հետևանքները վերացնելու միակ ուղին չէ: Կարևորն այն է, որ 30-ական թթ. սկզբներին սկսվել և ժամանակի ընթացքում արմատավորվել է ուսումնասիրության միակողմանի, անզամ, կարելի է ասել, սխալ մեթոդը:

XXII համագումարի որոշումների ոգով և այդ դիտակետից գնահատելով ու վերագնահատելով մեր անցյալ 30-ամյա պատմագրության նվաճումներն ու քերացումները՝ զժվար չէ հետևեցնել, որ ներկայումս զոգմատիզմի, «կոնյուլտուրչիզմի», փաստերի նկատմամբ կամայական վերաբերմունքի դեմ մղվող պայքարը, պատմականության մաբս-լենինյան սկզբունքի ու պատմական ճշմարտության լիարժեք վերականգնումն է, պատմագիտության մեջ, անհատի պաշտամունքի վնասակար հետևանքների վերացման ուսուցիչը:

Պատմական որոշ ժամանակաշրջանից սկսած մինչև 50-ական թվականների կեսերը հասարակական գիտությունների և մասնավորապես պատմագիտության բնագավառում անհրաժեշտ և անառարկելի պահանջ էր դարձել Ստալինի աշխատություններից ցիտելու: Իսկ եթե ցիտելու հնարավորություն չէր լինում, ապա հարմարեցնում, կամ ուսումնասիրվող թևմային գրեթե շոնչվող մեջբերումներ էին կատարվում: Ժամանակի ընթացքում ցիտատներով վահանավորված աշխատությունների առջև ճանապարհ հարթելու և այն անխոցելի դարձնելու այն աստիճան տարածվեց ու արմատավորվեց, որ հաճախ ցիտատները սկսեցին փոխարինել փաստերին: Հոգ չէ, որ այս կամ այս գրույթը ապացուցելու բավարար փաստերը բացակայում էին կամ առհասարակ գոյություն չունեին: Կարևոր էր համարվում փնտրել և գտնել ցիտատ, իսկ

եթև այդպիսին չկար՝ որևէ համընդհանուր միտք և դրանով ցույց տալ իր դրույթի ճշտությունը, գիտականությունը:

Ջարմանալի չէ, որ այդ պայմաններում ևրևան էին գալիս պրեթև փաստագուրկ, իրականությունից կտրված, սխեմատիկ աշխատություններ:

Կատարվում էր նաև հակառակ պրոցեսը: Աշխատությունները այնքան էին ծանրարևոնում փաստերով ու նյութերով, որ դրանք վերածվում էին մի էմպիրիկ շարագրանքի և կրում զուտ փաստագրական բնույթ՝ առանց համապատասխան վերլուծության և հետևությունների:

Պարզ է, որ երկու դեպքում էլ նման աշխատությունները բնթերցողների մոտ լավ ընդունելություն չէին կարող գտնել:

Մի քանի խոսք պատմության հարցերին նվիրված հետազոտություններում դեռևս նկատվող, մեր կարծիքով ուսումնասիրության ոչ ճիշտ մեթոդի մասին:

Ինչպես հայտնի է, պատմական ամեն մի ֆորմացիայում դեռևս առկա են լինում նախորդ դարաշրջանի մնացուկները և նոր հասարակական-տնտեսական հարաբերությունների սաղմերը: Հետևաբար պատմական ամեն մի կոնկրետ շրջանի բարդ պրոցեսը լավ հասկանալու և ճիշտ հետևությունների հանդիս համար հույժ կարևոր է փաստերի բազմակողմանի վերլուծությունը, տվյալ երևույթին բնորոշ, տիպիկական փաստերը ճանաչելը և դրանք ճիշտ ղնահատելը: Այլապես հեշտությամբ կարելի է սխալվել: Մեր միտքն ալիլի կոնկրետացնելու նպատակով բերենք մի այսպիսի օրինակ: Միջնագարջան Հայաստանում վերածննդի գոյություն տեսակետը պաշտպանող գիտնականները վարձու աշխատանքի, դրամական հարաբերությունների և գրեթև ամենուրեք ֆեոդալիզմին և ոչ միայն ֆեոդալիզմին հատուկ նման երևույթների վերաբերյալ որոշ փաստեր բերելով և այլ երկրների ու այլ սոցիալ-պատմական միջավայրի ծնունդ հանդիսացող երևույթների հետ անալոգիաներ անելով փորձում են ապացուցել վերածննդի համար տնտեսական բազա հանդիսացող կապիտալիստական հարաբերությունների կամ նրա կացութաձևի սաղմնավորումը:

Պատմական դարգացման այս կամ այն էտապում հասարակական-տնտեսական բարդ պրոցեսում տվյալ դարաշրջանին բնորոշ, այն բնութագրող երևույթները ճանաչելը հույժ կարևոր է գիտական ուսումնասիրության համար. այլապես անխուսափելի է դառնում սխալվելը:

Անհատի պաշտամունքի շրջանում ծագկող զոդմատիզմը իրեն զգացնել էր տալիս նաև մարքսիզմ-լենինիզմի կլասիկների աշխատություններից օգտրվելիս: Մարքս-լենինյան ուսմունքով զինվելուն, այդ ուսմունքով ամենուրեք և ամեն մամանակ առաջնորդվելուն, գիտական աշխատանթներում այն հրմտորեն կիրառելուն երբեմն փոխարինում էին մարքսիզմի կլասիկներից անհարկի մեջրերումները (բնդ սմին հաճախ հարմարեցնելով ցիտատները կամ կամայականորեն վարվելով դրանց հետ), փաստերն արհամարհելու գյուրին, բայց անխրախուսելի եղանակը:

Անտեսվում էր, վերջապես, այն հանգամանքը, որ կարելի է գիտական մարքսիստական տեսակետից առալիլ կուռ աշխատություն գրել և նույնիսկ մեջրերումներ չկատարել մարքսիզմի կլասիկներից և բնդհակառակն, հնարավոր է, որ աշխատությունը լեցուն լինի ցիտատներով, սակայն այն մարքսիստական տեսակետից տառապի մակերեսայնությամբ և անգամ լուրջ թերություններով:

Գիտական կոնկրետ խնդիրներ ուսումնասիրելիս մարքս-լենինյան ուսմունքը հմտորեն կիրառելու և փաստական նյութը օբյեկտիվորեն ընդհանրացնելու անկարողության հետևանքով է, որ հայ ժողովրդի պատմության գլխավոր խնդիրները լուսաբանելիս, Լրբեմն տրամազծորեն հակառակ տեսակետներ ունեցող հետադոտոզները իրենց դրույթները հիմնավորելու համար երկուստեք բերում են նույն փաստերը և ցիտում մարքսիզմի նույն կլասիկներին:

Անհատի պաշտամունքի վնասակար հետևանքները արտահայտվել են պատմության մոգեոնացման՝ հաճախ ցանկալին իրականության տեղ ընդունելու ուսումնասիրության արատավոր եղանակի մեջ ևս: Մի շարք հետազոտություններում, օրինակ, հարցերը առաջ են քաշվում և մեկնաբանվում այնպիսի եղանակով, որ կամա թե ակամա դուրս է գալիս, թե բոլշևիկյան պարտիայի, բոլշևիզմի գաղափարները իրենց առաջացման օրից համակել են ժողովրդական մասսաներին այն աստիճան, որ առաջին բուրժուա-դեմոկրատական ռևոլյուցիայի տարիներին աշխատավորական մասսաները գրեթե ամբողջությամբ համախմբված գնում էին այդ պարտիայի հետևից: Այդ նույն բանը արդեն առավել անառարկելի էր համարվում 1917 թ. փետրվարյան ռևոլյուցիայի ժամանակ:

Նման գունազարդված, փաստերի հետ հաշվի չնստող միակողմանի մոտեցումը, հասկանալի է, ոչ միայն չի ծառայում իր նպատակին, այլև կարող է հակառակ արդյունքի հանգեցնել: Անկախ ուսումնասիրողի կամքից ու ցանկությունից, օբյեկտիվորեն նսեմացվում է բոլշևիկյան պարտիայի մղած դժվարին պայքարը բուրժուական պարտիաների ու զանազան հոսանքների դեմ՝ մասսաների մեջ մեծամասնություն գրավելու համար, մի պայքար, որը ինչպես հայտնի է, Անդրկովկասի պայմաններում շարունակվեց մինչև 1920 թվականը:

Ինքնին հասկանալի է, որ բոլշևիզմի գաղափարները, իրենց ծագման հենց սկզբից հարազատորեն արտահայտել են աշխատավորական մասսաների և առաջին հերթին քանվոր դասակարգի իղձերն ու նպատակները, սակայն, անհրաժեշտ է ցույց տալ, որ այդ գաղափարները աստիճանաբար, պատմական զարգացման որոշ շրջանում են դառնում մասսաների սեփականությունը:

Պատմականության սկզբունքի պահպանումը, փաստերին գիտական բացատրություն տալը, բուրժուա-նացիոնալիստական պարտիաների մերկացման և բոլշևիկյան պարտիայի մղած հերոսական պայքարի ամենամեծ ապացույցը կարող է լինել:

Անհատի պաշտամունքի հետևանքով ստեղծվել էին այնպիսի պայմաններ, որ քաղաքական տեսակետից սուր, գիտական կնճռոտ հարցերին չէին անդրադառնում, սքողում, պարզապես խույս էին տալիս դրանցից: Թերեք միայն մեկ օրինակ: Հայաստանում 1905—1907 թթ. բուրժուա-դեմոկրատական ռևոլյուցիային նվիրված շատ ուսումնասիրություններում պահանջվածից ավելի տեղ է հատկացվում ռևոլյուցիայի ընդհանուր, համառուսական իրադարձությունների շարադրմանը, իսկ հայ-ադրբեջանական ընդհարումների մասին, որով ակեկոծվում էր այն ժամանակ ամբողջ հայ հասարակայնությունն ու Անդրկովկասը, գրեթե չի խոսվում: Անտեսվում է այն պարզ իրողությունը, որ այդ ընդհարումների մասին խոսելն ու մարքսիստական, գիտական բացատրություն տալը մեծ շահով կբացահայտի առաջին բուրժուա-դեմոկրատական ռևոլյուցիայի տարիներին Անդրկովկասում ստեղծված իրադրությունը, ռևոլյուցիայի հետ կապված շատ հարցեր, որ դրանով իսկ կփերկացվեն այդ ընդհարումների իսկական

կազմակերպիչները՝ ցարիզմը և ազգայնական պարտիաները, որոնք ազգամիջյան ընդհարումներ հրահրելով ձգտում էին սլաոակտել ռևոլյուցիոն ուժերը:

Անկախ նրանից, մենք այդ մասին դրում ենք, թե ոչ, ներկայումս ապրում են այդ դեպքերի շատ ժամանակակիցներ ու ականատեսներ, իսկ շատերի հիշողության մեջ այլևայլ դրականության ու կենդանի խոսքի միջոցով տակավին թարմ է մնացել այդ կոտորածների ու նրա պորժած արհավիրքների պատմությունը: Հետևաբար, հարցը կոծկելը կամ մի քանի ընդհանուր բնույթի դատողություններ անելը ընթերցողի մեջ կարող են միայն կասկած հարուցել տվյալ աշխատության գիտական լիարժեքության վերաբերյալ:

Այդ նույն ձևով մինչև վերջերս ուսումնասիրության նյութ չէին դարձել 19-րդ դարի վերջի և 20-րդ դ. սկզբի ազգային-ազատագրական շարժման բազմաթիվ խնդիրներ, 1918 թ. Սարդարաբադի և Ղարաքիլիսայի հերոսական ճակատամարտերը և այլ հարցեր:

Անհատի պաշտամունքի վնասակար հետևանքները ամենից ավելի ազդել են սովետական ժամանակաշրջանի պատմության ուսումնասիրության վրա: Այդ առումով հատկապես անհրաժեշտ է ուշադրությունը կենտրոնացնել, առաջին հերթին, Սովետական Հայաստանի պատմության գիտական մշակման, ժամանակի պահանջով թելադրված միակողմանիությունն ու թերությունները վերացնելու վրա:

Անվիճելի է, որ 30-ական թվականներին և նրանից հետո ընկած շրջանին վերաբերող մի շարք աշխատություններում լրիվ ցույց չեն տրվում սոցիալիստական շինարարության ընթացքն արգելակող դժվարություններն ու բացասական մոմենտները: Թերությունների և դժվարությունների մասին լուրը խեղաթյուրում ու դժգույն է դարձնում պատմական ռեալ իրականությունը և դրանով իսկ ակամա իջեցնում այն խոշոր հաջողությունների նշանակությունը, որի ականատեսն ենք հանդիսանում մենք:

Պատմագրության մեջ արմատավորված դոգմատիզմին ու սխեմատիզմին մեծապես նպաստում էին Սովետական ինչպես և նոր շրջանի պատմության արխիվային փաստաթղթերի օգտագործման սահմանափակ հնարավորությունները, արխիվներից օգտվելու մի շարք արհեստական արգելքների ստեղծումը:

Հարկավոր է մեկընդմիջտ արմատախիլ անել, թեկուզ և լուրջան գոյություն ունեցող, այն թյուր կարծիքը, ըստ որի պատմական ուսումնասիրության առարկա կարող են դառնալ միայն անցյալի հարցերը, համենայն դեպս՝ արխիվային փոշիով ծածկված հարցերը:

Կ. Մարքսը և Վ. Ի. Լենինը ցույց են տվել ժամանակակից երևույթների, իսկ երբեմն նաև իրենց վախճանին շահնգած իրադարձությունների, գիտական խոր վերլուծության փայլուն օրինակներ:

Նորագույն ժամանակաշրջանի, այդ թվում Սովետական Հայաստանի պատմության ուսումնասիրությունը առավել դժվարին է, քանի որ այստեղ պետք է բացահայտվեն, ընդ որում գիտականորեն բացահայտվեն, ժամանակակից հարցերը, որի ականատեսն ենք մենք: Դրանից բացի, այս շրջանը չունի ուսումնասիրության տրադիցիա, որը մեծ չափով օգնում և ուղղություն է տալիս հետազոտողին: Սովետական շրջանով զբաղվող պատմաբանները քայլում են պատմագրության կարևոր, բայց դժվարին ճանապարհով:

Սովետական հասարակության տնտեսական, քաղաքական, մշակութային պատմության, մասնավորապես նրա վերջին ժամանակաշրջանի սկզբնաղբյուր-

ները՝ փաստաթղթերն ու նյութերը ցրված են դեռևս չմշակված արխիվներում ու պարբերական մամուլում: Դա իր հերթին լրացուցիչ զժվարություններ է հարուցում այդ շրջանի ուսումնասիրության համար:

Սովետական ժամանակաշրջանի, մասնավորապես նրա 30-ական թթ. հետո ընկած շրջանի պատմությունն ուսումնասիրողների առջև ծառայած է մի բավական լուրջ խնդիր, որի հետ մշտապես հաշվի պետք է նստել: Դա այն է, որ անհատի պաշտամունքի շրջանի արխիվներն ու նյութերը տառապում են միակողմանիությամբ, տենդենցիոզությամբ:

Երբեմն միակողմանիորեն են ընկալվում պատմական թեմայի ակտուալության և պատմագիտությունը կյանքին մոտեցնելու հույժ կարևոր խնդիրները:

Թեմայի ակտուալությունը միայն նրա ժամանակակից լինելով չի բնորոշվում, շնայած այդ շատ կարևոր հանդամանք է, այլ նախ նրա հասարակական նշանակությամբ և մյուս կողմից նաև այն կարևոր հանդամանքով, թե որքանով է հեղինակին հաջողվել թեման ուսումնասիրել արդիականության դիրքերից, նրանում արծարծվող հարցերը լուծել գաղափարական բարձր մակարդակով: Հետևաբար, բնավ զարմանալի չպետք է թվա, եթե ասենք, որ ժամանակակից թեման երբեմն կարող են այնպիսի եղանակով ու որակով ուսումնասիրվել, որ ակտուալ նշանակություն չունենա և ընդհակառակն, հին կամ հնագույն շրջանի թեմաները կարող են այնպիսի եղանակով ու որակով ուսումնասիրվել, որ ունենան կարևոր ակտուալ նշանակություն:

Հատկապես վերջին տարիներս պարտիան հասարակական գիտությունները կյանքի հետ կապելու, այն արտադրությանը մոտեցնելու հրատապ պահանջն ավելի է ուժեղացնում:

Պատմության բնագավառում այդ նշանակում է առաջին հերթին հետազոտել և լուսաբանել ներկա էտապում բանվոր դասակարգի ու գյուղացիության, սոցիալիստական քաղաքների ու գործարանների, սովխոզների ու կոլտնտեսությունների պատմությունը և նման կարևոր թեմաներ:

Սա ճիշտ է և անառարկելի, սակայն, պատմագիտությունը կյանքին մոտեցնելու պահանջը սահմանափակել միայն դրանով, ինչպես կարծում են ոմանք, նշանակում է տուրք տալ միակողմանի, պարզեցված պատկերացման:

Պատմական գիտությունը կյանքին մոտեցնել նշանակում է նաև ստեղծել ընթերցող հասարակայնությանը հուզող, նրան գաղափարական սնունդ տվող, նրա հոգեկան ու բարոյական դաստիարակությանը նպաստող և մտավոր պահանջմունքները բավարարող անցյալի հասարակական հարաբերությունները ճիշտ բացահայտող գիտական աշխատություններ:

Անհատի պաշտամունքի պայմաններում լիարժեք գիտական-ստեղծագործական ուսումնասիրությունների փոխարեն հաճախ երևան էին զալիս անարժեք, սխեմատիկ, հասցեայ գրված աշխատություններ, որոնք ոչնչով չէին կարող բավարարել ընթերցողների և գիտության պահանջները, հետևաբար և կրտրված էին կյանքից, նրա առաջադրած խնդիրներից: Դրանով է բացատրվում նաև այն հանդամանքը, որ նման աշխատությունները շատ վատ էին սպասվում:

Հաճախ ստեղծվում էին և այժմ էլ շարունակում են ստեղծվել տվյալ թեմային և եղած նյութերին անհամապատասխան, միանդամայն անհարկի ուռճացված ստվարածավալ ուսումնասիրություններ, որի հետևանքով հրապարակ են գալիս ընդհանուր, հստակահայտ երևույթների շարադրանքով ծան-

րաբեռնված հաստատու գրքեր: Ստեղծվել են այնպիսի պայմաններ, որ առանձին դեպքերում, գիտական աշխատության կշիռը որոշվում է նրա ծավալով, իսկ գիտաշխատողի մասին գաղափար կազմելու համար նկատի է առնվում ոչ այնքան նրա կատարած ուսումնասիրությունների պատմագիտական արժեքը, որքան ծավալը և հատկապես աշխատությունների քանակը:

Պատահական չէ, որ վերջերս շատ սուր կերպով է դրվում աշխատությունների որակը բարձրացնելու հարցը, շնայած որ գործնականում դեռևս քիչ բան է արվում այդ ուղղությամբ:

Բուրժուական պատմագրության դեմ պայքարը, հասկանալի է, սոցիալիզմի և կապիտալիզմի միջև մղվող ընդհանուր գաղափարական պայքարի մի մասն է:

«Հասարակական գիտությունները այսուհետև ևս,—ասված է ՍՄԿՊ Ծրագրում,—պետք է վճռականորեն հանդես գան բուրժուական գաղափարախոսության դեմ, աջ սոցիալիստական տեսության և պրակտիկայի դեմ, ունիզիտիզմի և դոգմատիզմի դեմ, պաշտպանելով մարքսիզմ-լենինիզմի սկզբունքների անազարտությունը»¹:

Սովետահայ պատմագիտությունը ուրույն խնդիրներ ունի կատարելու նաև այս բնագավառում, մի կողմից՝ պայքարել հայ ժողովրդի, մասնավորապես նոր և նորագույն շրջանի պատմության խեղաթյուրումների դեմ, մյուս կողմից՝ աջակցել սփյուռքահայ առաջադիմական գործիչներին, ռեակցիայի և համաշխարհային իմպերիալիզմի դեմ նրանց պայքարում, նպաստել նրանց քաղաքական և գիտական կողմնորոշմանը, նրանց աշխատությունների հրատարակմանը և այլն:

Պատմական գիտությունը հզոր զենք է հասարակական զարգացման օրինաչափությունները ճանաչելու համար: Պատահական չէ, որ ՍՄԿՊ Ծրագրում, որպես պատմական գիտության կենտրոնական խնդիր, առաջ է քաշվում մարդկային հասարակության զարգացման օրինաչափությունների բացահայտումը:

ՀՍՍՌ Գիտությունների ակադեմիայի Պատմության ինստիտուտը նախաձեռնել է ռեսպուբլիկայի լավագույն մասնագետների ուժերով ստեղծելու հայ ժողովրդի պատմության ութհատորյակ: Չնայած որ մեր ժողովրդի պատմության ուսումնասիրությունը մեծ ու հարուստ անցյալ ունի, սակայն, այսպիսի ընդհանրացնող, գիտական-ակադեմիական աշխատություն առաջին անգամ է ստեղծվում:

Բազմահատորյակում անցյալի պատմագրության հարուստ նյութի, մասնավորապես սովետահայ պատմագրության հաջողությունների ընդհանրացումով, ժամանակի անհրաժեշտությամբ թելադրված նրա սխալներն ու թերությունները գիտական-ստեղծագործական աշխատանքով հաղթահարելու եղանակով պետք է բացահայտվեն հայ ժողովրդի պատմության զարգացման աստիճանական պրոցեսը, նրա յուրահատկություններն ու օրինաչափությունները:

«Գիտության զարգացման անհրաժեշտ պայմանը,—ասված է ՍՄԿՊ Ծրագրում,—ընկերական ազատ բանավեճերն են, որոնք նպաստում են հասունացած պրոբլեմների ստեղծագործական լուծմանը»²:

¹ ՍՄԿՊ Ծրագիր, Երևան, 1961, էջ 155:

² Նույն տեղում:

Պատմության ինստիտուտի և ընդհանրապես սովետահայ պատմագրության առջև ծառայած մեծ և պատասխանատու խնդիրները հնարավոր է կենսագործել միայն նպատակասլաց կերպով բոլոր ուժերը մոբիլիզացնելու, պատմական գիտության ասպարեզում աշխուժություն մտցնելու, գիտական ստեղծագործական բանավեճեր ու հրապարակային քննարկումներ կազմակերպելու եղանակով:

Վ. Բ. ԲԱՐՆՈՒԳԱՐՅԱՆ
(ՀՍՍՌ ԳՈՒ Պատմության ինստիտուտի
գիտքարտուղար):